

Nappaatit suut napparsimasut sivikitsumik piffissamiluunniit aalajangersimasumik sivilissusiligaanngitsumi Danmarkiliarlutik katsorsartikkiartortariaqalertanerannik kinguneqartarnersut pillugit Naalakkersuisut UPA2019-mi nassuiaammik saqqummiussinissaat pillugu Inatsisartunut aalajangiiffigisassatut siunnersuut. Nassuiaammi aningaasatigut nakorsaanikkullu periarfissat suut ungasinnerusoq isigalugu napparsimasunik Danmarkimut katsorsartikkiartortunik ikilisitsisinnaasut ilanngunneqassapput.

(Inatsisartunut ilaasortaq Aqqaluaq B. Egede, Inuit Ataqatigiit)

Akissuteqaat

(Peqqissutsimut, Isumaginninnermut Inatsisisinillu Atuutitsinnermut Naalakkersuisoq)

Aappassaaneerpeqarnera

Naalakkersuisut Ilaqtariinnermut Peqqinnermullu Ataatsimiititaliap aalajangigassatut siunnersuutip suliarineqarneranut atatillugu sukumiisumik sulisimanerat qujassutigaat.

Naalakkersuisut ataatsimiititaliami amerlanerussuteqartut allannguutissatut siunnersuut atortussanngortinnissanut inassuteqarnera tusaatissatut tiguaat, taamaasillunilu siunnersuut siulleq itigartitsissutigineqarnissaa inassutigineqarsimalluni. Naalakkersuisut ataatsimiititaliap oqaaseqaatai tusaatissatutaaq tiguaat.

Taamatut naatsumik oqaaseqarlunga Naalakkersuisut inassutigissavaat siunnersuutip atortussanngortinneqarnissaa.